

據商務印書館一九三六年版重印

四部叢刊三編（六七）

翠微南征錄

宋華

岳撰

莆陽黃仲元四如先生文稿

宋黃仲元撰

吾汶稿

宋王炎午撰

上海書店印行

上海福州路四二四號

上海影印廠印刷

1986年1月

四部叢刊三編集部

翠微南征錄

卷一至卷十一
附校勘記一卷

上海涵芬樓影印舊
鈔本原書葉心高十
九公分寬十四公分

翠微南征錄卷之一

書



開禧元年四月二十七日上

皇帝書

四月吉日 國學發解進士臣華岳謹熏沐百拜裁
書獻于

皇帝陛下臣聞職諫諍而不言有罪非諫諍而輒言
有誅臣以一介草茅誤叨

教養非敢僭以求狂妄之誅誠以天下之大變將形
國家之大禍將至有職守者不敢言 無職守者不

敢僭臣于此時不能割露肺肝控告 若父則不忠之
罪不惟不逃而臣之身首將異其處雖有粟烏得而
食諸臣自旬月以來都城士民徬徨相顧若將喪其
室家諸軍老小隱哭含悲若將驅之水火闐闐藉藉
欲語復噤駭于傳聞莫曉所謂臣徐考其所自則侍
衛之兵日夜潛發掘機之邊星火交馳戎作之後倍
于平時郵傳之程兼于疇昔乃知

陛下將有事于北征而為軍若民皆如是之皇皇也
臣嘗聞之夷狄之于中國猶盜賊之于四民螟蟲之
于五穀可謂不容並立矣士生斯時正冠履之分雪

祖宗之仇掃山陵歸宗社可當講也然臣考之天時
按之人事盖有大不然何者古之為夷狄者一今之
為夷狄者五古之為中國者一今之為中國者三何
夷狄中國之皆多于古也夫侂冑以后族之親位居
極品專執權柄公取賄賂蓄養無籍吏僕委以腹心
賣名器私爵賞睥睨神器窺覷宗社日益炎熾不敢
嚮迹此夷狄之居吾腹心者也

以庸瑣之資請

姻師且驟入政府

以諛佞之資阿附侂冑致身

顯貴陳自強老不知恥貪不知止私植黨羽陰結門
第凡見諸行事惟知趨承侂冑一人而君父之

不知有以保三者長之材而鈞衡天下鼎鼐四海此
夷狄之居吾肢肱者也與奕汝翼諸李之貪懦無謀
倪僂倬果諸郭之膏粱無用諸吳之恃寵僭專 彭
之庸孱不肖皇甫斌魏友諒毛致通秦世輔之彫瘵
軍心瘡痍士氣以至陳孝慶夏興祖商崇田俊邁之
徒皆以一卒之材各得把麾專制平日剗膏刻血苞
苴侂胄以致通顯飢寒之士咸願食其肉而不可得
萬一

陛下付以大事彼之首領自不可保奚暇為
陛下計哉此夷狄之居吾爪牙者也 之細妄求

知

之售妹入府

之獻妻求閣

之

貢子為郎

之阿諛僕隸

之甘心鷹犬

之庸駕充位

之奴事燕逸

之生

事迎合

之私立異議此夷狄之居吾

耳目者也蘇師旦以穢吏冒節鉞牙僧名爵周筠以

隸卒冒戎鈴市易將相此夷狄之扼吾咽喉者也吾

之腹心吾之股肱吾之爪牙吾之耳目吾之咽喉而

無非夷狄則彼之所謂夷狄者實未足憂而此之夷

狄蓋已周吾一身之間矣詎可捨吾身之夷狄而徒

事于遠鄙之夷狄耶禮樂征伐自天子出所貴乎中

國者皆聽命于

陛下也今也予奪之命黜陟之權又不出于

陛下而出于侂冑是吾有二中國也命又不出於侂冑而出于蘓師旦周筠是吾有三中國也夫虜人以一夷狄而猶能據吾之中原曾謂其有五夷狄而不能感吾之元氣乎虜人以區區閼河之地猶能逼我淮漢曾謂夷狄之居吾腹心居吾股肱居吾爪牙居吾耳目居吾咽喉而不憑陵吾之宗廟社稷乎以一中國而撫四夷猶曰不可曾謂一家之中自為吳越一舟之中自為敵國而能外制夷狄乎比年以來軍

皆稽克而士卒自仇其將佐民皆侵漁而百姓自叛
其守令家自為爭人自為戰此又啟吾國中億萬之
夷狄也今

陛下不務去吾腹心腹肱爪牙耳目咽喉与夫億萬
之夷狄而欲空國之師竭國之財而与遠夷外我相
從于血刃相塗之地顧不外用其心欽臣自邠南以
來推衍三式之書自去歲上元甲子五福太乙初度
吳分四神直符對照荆楚始擊蜚符旁臨甌越青門
直使交次于幽薊里黃道三按于燕趙考之成法
主筭最長客筭最短兵以先發為客後應為主自太

歲乙丑至丙寅丁卯戊辰己巳庚午六年之間皆不
利于先舉僅其叛盟犯義撓我疆場至于事不獲已
然後應之則反主為客猶曰庶幾萬一國家自首
其事自倡其謀則將帥內睽士卒外叛塗炭萬民血
刃千里其為應驗速若影響此天數之不利于先舉
也億萬之夷狄萃乎吾之國五者之夷狄周乎吾之
身將帥庸愚軍民怨懟馬政不講騎士不熟豪傑不
出英雄不收餽糧不豐形便不因山寨不修堡壘不
設吾雖帶甲百萬運糧千里而師出無功不戰自敗
矣此人事之不利于先舉也湯武革命應天順人黃

帝征伐天時人事臣願

陛下誅吾腹心股肱爪牙耳目咽喉之夷狄盡其群
黨而勿疑其濫異其身首而勿疑其慘吾國中之夷
狄既已誅矣然後公道開明正人登用法令自行紀
綱自正豪傑自歸英雄自附侵疆自還中原自復天
下自底于和平四海自躋于仁壽何俟乎兵革哉不
然則亂臣賊子毀冕裂冠哦九錫隆恩之詩恃貴不
可言之相私妾內姬陰臣將相魚肉將士塗炭生靈
墜百世之遠罔虧十廟之遺業

陛下于此雖欲不与之偕亡則禍迫于身權出于人

三
卷之六
一
俛首待終何勝可噬事之未然難以取信臣願以身
屬之廷尉待其行軍用師勞還奏凱則馘臣之首風
遶四方以為天下欺君罔上之戒儻或干戈相尋敗
亡相繼夷狄外攻姦臣內叛與臣所言盡相符契然
後令臣歸老田里永為不齒之民實出

天地父母生成之賜干冒

天威罪當萬死不備

岳百拜

羣微南征錄卷之一

翠微南征錄卷之二

古風

歸釣吟

我生本是絲綸客，嘗把絲綸釣玉國。
膠庠雖識姚有虞，戴車未遇周西伯。
抱琴歸去古江邊，江頭風月犹依然。
江風刮岸、如削，江月照人、未眠。
沙平浪靜，江天闊，換酒捉魚、撥刺。
有時醉梳和月吞，有時醉棹和烟撥。
或唱歌、或吹笛、款乃宮商，人不識。
歌聲喚徹烟水寒，笛聲清透雲霄碧。
不張帆、任渠去、到雲山深處。
任雲山深處，有畫圖添箇雲山、
畫圖、侶不撥棹、任

渠流、入玻璃影裡。頭玻璃影裡。通珠玉、斛萬斛。
誰能收。倦時眠。醉時舞。漁家自有神仙府。睡時蝴蝶
夢。正同舞。處鷗鷺。奏韶武。自舉歸釣。吟清江漢、烟
沉、雲藏萬壑。時水尾風吹。孤月搖天心。翠微父翠
微。父和我行歌。進南浦。画橋流水。抹晴烟。殘照暮霞
收。宿雨水連天。似水一簑活計。誰能比。楓葉飄霜
鱸膾香。楊花飛雪。河鈍美。也不季。姜太公百年將至
方非熊。會頃年少。遇真主。恢我諸夏車書同。也不學
嚴子陵。雲臺不為魁。殊勛也。與只作釣臺。侶胸中百
萬知無兵。我網不似漢。從何太疎也。曾漏却吞舟

魚何當周密如樞机直欲機悉皆無遺我鈞不似呂
呂鈞何太直除却文王有誰識爭如猛曲一彎腰牽
取星珠并月璧魚膠寒透蒿刺蟹螯刺指和笔烹屠
龍鉅鼎口不美新鯨斫炙賜卿掌

記夢

秋夜宿客邸劇夢為無槐大庭之游龜
來長空明月珠動故鄉之思因成記夢

溪冷、

音

零敲

鑿、

虛堂浙歷生寒風寒風律我夢魂

去飛鵬直上蓬萊宮蓬萊宮殿女如玉霓裳羽扇環
簾櫳月娥西我宴珠翠玳筵開列花叢、酒酣萬象
羅心胸舉盃話別珠忽、青鸞命駕下空闊一聲瑞
珮鳴丁東被衣起坐周四顧庭戶悄、無人蹤銀河

萬里倒澄碧，冰鑑半輪斜。倚空橫江孤，雀一聲唳喚起，鄉心千萬重。

梅 楚東通中
次壁間韻

哀蘭枯荷了秋色，幾向寒梢問消息。溪橋交馬折腸時，翠袖佳人日暮歸。玉面亭，漢宮樣，一見風流懣心賞。寒標孤絕太無情，誰為移春上玉京。月華淒切霜華白，夜半飄香度簾額。寄聲橫笛且休吹，愁殺江南未歸客。

山水吟

閩之山城，可以接穹閩。士孕其秀，胸次尤難量。